

Si enim comprehendi posset, mysterium non esset. Et si nihil credere velint Calviniani, quod ipsis sit imperceptibile, videant, quo pacto Arrianismum effugere valeant. Non enim minus sublime & rationi contrarium apparet Mysterium de DEO Trinuno, quam de Christo Binuno, & cæteris, in quibus errant fidei capitibus. Quæ gravissima verba sunt sæpius hæctenus laudati B. Baltb. Meisn. in Epist. dedic. ad Part. I. Phil. Sobr.

§. 14. Obsignamus præsentem dissertationem nostram genuino è S.S. Patribus loco, tanquam genuina gemma, B. Chrysoftomi uno, altero B. Hilarii. Ita vero os aureum in *Hom. 21. in Gen.* inquit: *Magnum periculum est, res fidei humanis committere rationibus.* Hilarius ita L. 10. de Trinit. *In simplicitate fides est, in fide charitas, nec per multas ac difficiles quaestiones nos DEUS ad salutem æternam vocat.* Isti vero

DEO T. O. M. honor sit ac laus nunc & in
æterna Secula! Amen.

COROLLARIA.

I.

Mathesis rationi principiis revelatis subjugandæ plurimum conferre potest.

II.

Templum à Salomone extructum, ideam & normam architecturæ esse posse non dubitamus.

III.

Imo Ethnicorum Architecturam, quam hodiernum admiramur, inde originem suam duxisse persuasi sumus.

IV.

Etiamsi Spiritum S. in S. Scriptura veritatum Philosophicarum subtilitates minimum curasse credamus, ideo tamen, eum ad opinionem vulgi se accommodasse, merito dicere veremur.

